

ՀԱՍՏԱՏՎԱԾ Է

«ՏՈՆՏՈՆ» ԻՆՎԵՍՏԻՑԻՈՆ ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ՄԱՍՆԱԿԻՑՆԵՐԻ ԱՐՏԱՀԵՐԹ ԸՆԴՀԱՆՈՒՐ
ԺՈՂՈՎՈՒՄ
21/04/2008թ. Թիվ 541 Արձանագրությամբ

ՓՈՓՈԽՎԱԾ Է «ՏՈՆՏՈՆ» ԻՆՎԵՍՏԻՑԻՈՆ
ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ՄԱՍՆԱԿԻՑՆԵՐԻ
ԱՐՏԱՀԵՐԹ ԸՆԴՀԱՆՈՒՐ ԺՈՂՈՎՈՒՄ
26/01/2010թ. Թիվ 616 Արձանագրությամբ

ՓՈՓՈԽՎԱԾ Է «ՏՈՆՏՈՆ» ԻՆՎԵՍՏԻՑԻՈՆ
ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ՄԱՍՆԱԿԻՑՆԵՐԻ
ԱՐՏԱՀԵՐԹ ԸՆԴՀԱՆՈՒՐ ԺՈՂՈՎՈՒՄ
30/08/2012թ. Թիվ 680 Արձանագրությամբ

ՓՈՓՈԽՎԱԾ Է «ՏՈՆՏՈՆ» ԻՆՎԵՍՏԻՑԻՈՆ
ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅԱՆ ՄԱՍՆԱԿԻՑՆԵՐԻ
ԱՐՏԱՀԵՐԹ ԸՆԴՀԱՆՈՒՐ ԺՈՂՈՎՈՒՄ
06/05/2019թ. Թիվ 790 Արձանագրությամբ

ԳՐԱՆՑՎԱԾ Է

ՀՀ ԿԵՆՏՐՈՆԱԿԱՆ ԲԱՆԿՈՒՄ
23/02/2010թ. Թիվ 1/128Ա ՈՐՈՇՄԱՄԲ

«ՏՈՆՏՈՆ» ԻՆՎԵՍՏԻՑԻՈՆ ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ԳՐԱՆՑՄԱՆ ՎԿԱՅԱԿԱՆ ԹԻՎ 7

ՓՈՓՈԽՈՒԹՅՈՒՆԸ ԳՐԱՆՑՎԱԾ Է
23/02/2010թ. Թիվ 1/128Ա ՈՐՈՇՄԱՄԲ

ՓՈՓՈԽՈՒԹՅՈՒՆԸ ԳՐԱՆՑՎԱԾ Է
30/08/2012թ. Թիվ 1/947Ա ՈՐՈՇՄԱՄԲ

ՓՈՓՈԽՈՒԹՅՈՒՆԸ ԳՐԱՆՑՎԱԾ Է
---/--/-----թ. Թիվ ----- ՈՐՈՇՄԱՄԲ

ՀՀ ԿԵՆՏՐՈՆԱԿԱՆ ԲԱՆԿԻ ՆԱԽԱԳԱՀ՝

Գ. Առաքելյան

Ա. Ջավադյան



ԿԱՆՈՆԱԴՐՈՒԹՅՈՒՆ

«ՏՈՆՏՈՆ» ԻՆՎԵՍՏԻՑԻՈՆ ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ

«ՏՈՆՏՈՆ» ինվեստիցիոն սահմանափակ պատասխանատվությամբ ընկերության կանոնադրություն

1. ԸՆԴՀԱՆՈՒՐ ԴՐՈՒՅԹՆԵՐ

1.1 «ՏՈՆՏՈՆ» սահմանափակ պատասխանատվությամբ ընկերությունը (այսուհետ՝ *Ընկերություն*) շահույթ ստանալու նպատակով հիմնադրված, առևտրային կազմակերպություն հանդիսացող իրավաբանական անձ է, որի կանոնադրական կապիտալը բաժանված է բաժնեմասերի՝ սույն կանոնադրությամբ սահմանված չափերով: *Ընկերության* հիմնադիրները (մասնակիցները) պատասխանատու չեն *Ընկերության* պարտավորությունների համար և իրենց ներդրած ավանդների արժեքի սահմաններում կրում են *Ընկերության* գործունեության հետ կապված վնասների ռիսկը:

1.2 *Ընկերության* իրավունակությունը ծագում է նրա ստեղծման (պետական գրանցման) և դադարում է լուծարման ավարտի (լուծարման մասին պետական գրանցամատյանում գրառման) պահից:

1.3 *Ընկերությունն* ունի իր ֆիրմային անվանումը (հայերեն, ռուսերեն և անգլերեն գրառումներով), ինչպես նաև կարող է ունենալ ՀՀ Կառավարության կողմից սահմանված այլ վավերապայմաններ պարունակող կլոր կնիք, դրոշմներ և ձևաթղթեր, ինչպես նաև օրենքով սահմանված կարգով գրանցված խորհրդանիշ, ապրանքային և այլ նշաններ ու անհատականացնող այլ միջոցներ:

1.4 *Ընկերությունն* իր գործունեության ընթացքում ղեկավարվում է Հայաստանի Հանրապետության Քաղաքացիական Օրենսգրքով (այսուհետև Օրենսգիրք), «Սահմանափակ պատասխանատվությամբ ընկերությունների մասին» ՀՀ օրենքով (այսուհետ՝ Օրենք), իրավական ակտերով և սույն կանոնադրությամբ:

1.5 *Ընկերության* հիմնադիրների (մասնակիցների) և *Ընկերության* միջև հարաբերությունները կարգավորվում են Օրենսգրքով, Օրենքով և սույն կանոնադրությամբ:

1.6 *Ընկերությունն* իր պարտավորությունների համար պատասխանատու է իրեն պատկանող ամբողջ գույքով: *Ընկերությունը* պատասխանատու չէ իր մասնակիցների պարտավորությունների համար:

1.7 Հայաստանի Հանրապետությունը և համայնքները պատասխանատվություն չեն կրում *Ընկերության* պարտավորությունների համար: *Ընկերությունն* իր հերթին պատասխանատվություն չի կրում Հայաստանի Հանրապետության և համայնքների պարտավորությունների համար:

1.8 *Ընկերության* ֆիրմային անվանումն է.

հայերեն լրիվ «ՏՈՆՏՈՆ» ինվեստիցիոն սահմանափակ պատասխանատվությամբ ընկերություն

հայերեն կրճատ «ՏՈՆՏՈՆ» ՍՊԸ

ռուսերեն լրիվ Инвестиционное общество с ограниченной ответственностью “ТОНТОН”

ռուսերեն կրճատ ООО “ТОНТОН”

անգլերեն լրիվ “TONTON” Investment Limited Liability Company

անգլերեն կրճատ “TONTON” Co. LTD

1.9 *Ընկերության* գտնվելու վայրը և իրավաբանական (փոստային) հասցեն՝ 0021, ՀՀ, ք. Երևան, Արոնցի փ. 10:

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿԸ

2.1 *Ընկերության* գործունեության նպատակն է տնտեսական գործունեություն (այդ թվում առևտրային) իրականացնելու ճանապարհով շահույթի ստացումը:

2.2 *Ընկերությունը* մատուցում է ներդրումային ծառայություններ համաձայն «Արժեթղթերի շուկայի մասին» ՀՀ օրենքի:

2.3 *Ընկերությունն* իրավունք չունի զբաղվել այլ գործունեությամբ որոնց մասին նշված չէ լիցենզիայի մեջ, բացառությամբ ՀՀ Կենտրոնական բանկի կողմից թույլատրված լրացուցիչ գործունեության:

Ընկերության ներդրումային ծառայություններ մատուցելու լիցենզիան ամբողջությամբ ուժը կորցրած ճանաչվելու դեպքում Ընկերությունը լուծարվում է:

3. ԸՆԿԵՐՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1 Պետական գրանցման պահից *Ընկերությունը* ձեռք է բերում իրավաբանական անձի կարգավիճակ:

Ընկերությունը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

Ընկերությունն ունի ինքնուրույն հաշվեկշիռ, ինչպես նաև կարող է ունենալ Հայաստանի Հանրապետության և օտարերկրյա բանկային հիմնարկություններում հաշվարկային և այլ հաշիվներ (դրամով, տարադրամով):

3.2 *Ընկերությունը* կարող է լինել այլ ընկերության (այդ թվում դուստր ու կախյալ) հիմնադիր (մասնակից), բացառությամբ Օրենսգրքով և այլ օրենքներով նախատեսված դեպքերի:

3.3 *Ընկերությունն* իրավունք ունի ստեղծել առանձնացված ստորաբաժանումներ (մասնաճյուղեր և ներկայացուցչություններ), ինչպես Հայաստանի Հանրապետության, այնպես էլ այլ պետությունների տարածքում:

Ընկերության առանձնացված ստորաբաժանումները իրավաբանական անձինք չեն և գործում են *Ընկերության* հաստատած կանոնադրությունների հիման վրա, իսկ նրանց ղեկավարները գործում են *Ընկերության* լիազորագրի հիման վրա:

3.4 *Ընկերությունն* իրավունք ունի.

- ՀՀ օրենսդրությամբ չարգելված ցանկացած ձևով ձեռք բերել գույք, այդ թվում արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքը,
- ինքնուրույն կազմավորել իր ֆինանսական ռեսուրսները, այդ թվում փոխառու միջոցների ներգրավմամբ, Հայաստանի Հանրապետությունում և այլ պետություններում ստանալ բանկային և առևտրային վարկեր, այդ թվում՝ արտարժույթով, օրենսդրությամբ սահմանված կարգով իր անունից թողարկել և տարածել արժեթղթեր,
- օտարել, վարձակալության տալ, փոխանակել, օրենսդրությամբ չարգելված այլ ձևերով փոխանցել գույքային իրավունքներ, լինել գրավառու և գրավատու,
- օգտվել օրենսդրությամբ և սույն կանոնադրությամբ սահմանված այլ իրավունքներից:

3.5 *Ընկերությունը* պարտավոր է.

- օրենսդրությամբ կամ այլ իրավական ակտերով սահմանված կարգով իրականացնել հաշվապահական հաշվառում,
- աշխատանքային պայմանագրեր կնքել *Ընկերության* աշխատակիցների հետ,
- պատասխանատվություն կրել և փոխհատուցել իր կողմից հասցրած վնասը՝ կնքած պայմանագրերը չկատարելու կամ ոչ պատշաճ կատարելու, այլ անձանց սեփականության իրավունքը խախտելու համար,
- օրենսդրությամբ սահմանված կարգով հայտարարել *Ընկերության* սնանկացման մասին այն դեպքում, երբ հնարավոր չէ բավարարել պարտապանների օրինական գույքային պահանջները,
- ապահովել *Ընկերության* փաստաթղթերի (*Ընկերության* կանոնադրության, գույքի նկատմամբ գույքային իրավունքները հաստատող փաստաթղթերի, *Ընկերության* ներքին փաստաթղթերի, առանձնացված ստորաբաժանումների ու հիմնարկների կանոնադրությունների, տարեկան հաշվետվությունների, հաշվապահական հաշվառման փաստաթղթերի, կառավարման մարմինների նիստերի արձանագրությունների, Հայաստանի Հանրապետության օրենքներով և այլ իրավական ակտերով նախատեսված այլ փաստաթղթերի) պահպանումը ՀՀ օրենսդրությամբ սահմանված ժամկետով, իսկ այդպիսին սահմանված չլինելու դեպքում՝ առնվազն 3 տարի ժամկետով,
- կրել օրենսդրությամբ և սույն կանոնադրությամբ սահմանված այլ պարտավորություններ:

4. ԸՆԿԵՐՈՒԹՅԱՆ ՄԱՍՆԱԿԻՑՆԵՐԸ, ՆՐԱՆՑ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

4.1 Անձը համարվում է ընկերության մասնակից գրանցումն իրականացնող մարմնի կողմից *Ընկերության* մասնակիցների գրանցամատյանում գրանցվելու պահից: Մասնակիցները կարող են փոփոխվել Օրենքով և *Ընկերության* կանոնադրությամբ սահմանված կարգով՝ մասնակիցների ընդունման, ազատման, հեռացման, ամբողջ բաժնեմասի օտարման միջոցով, ինչպես նաև մասնակցի ամբողջ բաժնեմասի վրա բռնագանձում տարածելու կամ այն բռնագրավելու դեպքում:

Ընկերությունը չի կարող որպես միակ մասնակից ունենալ մեկ անձից կազմված այլ տնտեսական ընկերություն:

4.2 *Ընկերության* մասնակիցներն իրավունք ունեն.

- Օրենքով կամ սույն կանոնադրությամբ սահմանված կարգով մասնակցել *Ընկերության* կառավարմանը՝ ներկա գտնվել ընդհանուր ժողովին, հանդես գալ առաջարկություններով, մասնակցել օրակարգային հարցերի քննարկմանը և քվեարկել որոշումներ ընդունելիս,
- ստանալ *Ընկերության* գործունեությունից ստեղծվող շահույթի (դիվիդենտի) մասը,
- *Ընկերության* լուծարվելու դեպքում ստանալ շահույթի իրենց մասը, *Ընկերության* գույքի իր բաժնեմասին համապատասխան չափով,
- *Ընկերության* լուծարվելու դեպքում ստանալ պարտատերերի հետ կատարված հաշվարկներից հետո մնացած գույքի մասը կամ դրա արժեքը,
- սույն կանոնադրությամբ սահմանված կարգով տեղեկություններ ստանալ *Ընկերության* գործունեության մասին, գաղտնի փաստաթղթերից բացի ծանոթանալ հաշվապահական հաշվառման, հաշվետվության, *Ընկերության* արտադրատնտեսական գործունեության այլ փաստաթղթերի հետ,
- ցանկացած պահի դուրս գալ *Ընկերությունից* (մյուս մասնակիցների համաձայնությունից անկախ),
- հայցով դիմել դատարան՝ *Ընկերության* մասնակիցների ընդհանուր ժողովի կողմից ընդունված և գործող օրենքներին և այլ իրավական ակտերին հակասող որոշումների բողոքարկման նպատակով,
- *Ընկերության* միջոցների հաշվին *Ընկերության* կանոնադրական կապիտալի ավելացման դեպքում անվճար ստանալ համապատասխան քանակությամբ բաժնեմասեր,
- օգտվել Օրենքով և *Ընկերության* կանոնադրությամբ նախատեսված այլ իրավունքներից:

4.3 *Ընկերության* մասնակիցները պարտավոր են.

- սույն կանոնադրությամբ սահմանված կարգի համաձայն կատարել ներդրումներ *Ընկերության* կանոնադրական կապիտալում,
- չիրապարակել *Ընկերության* գործունեության վերաբերյալ գաղտնիք պարունակող տեղեկություններ,

- կատարել *Ընկերության* նկատմամբ ստանձնած պարտավորությունները,
- պահպանել սույն կանոնադրության դրույթները:

4.4 *Ընկերության* կանոնադրական կապիտալում բաժնեմասը փոխանցելը.

- *Ընկերության* մասնակիցն իրավունք ունի իր բաժնեմասը (դրա մասը) վաճառել կամ այլ օրենքով չարգելված ձևով օտարել *Ընկերության* մեկ կամ մի քանի մասնակիցների, ինչպես նաև երրորդ անձանց: Ընդ որում մյուս մասնակիցներն ունեն այդ բաժնեմասը նույն գնով ձեռքբերման նախապատվության իրավունք *Ընկերության* կանոնադրական կապիտալում իրենց բաժնեմասերին համամասնորեն:

Եթե *Ընկերության* մյուս մասնակիցները չեն օգտագործել բաժնեմասը (դրա մասը) գնելու իրենց նախապատվության իրավունքը կամ այն օգտագործել են մասամբ, ապա *Ընկերությունն* ունի այդ բաժնեմասը նույն գնով ձեռքբերման նախապատվության իրավունք:

Մասնակիցների, ինչպես նաև *Ընկերության* կողմից նախապատվության իրավունքը չօգտագործելու դեպքում բաժնեմասերը կարող են օտարվել երրորդ անձանց:

Օրենքով նախատեսված բաժնեմասը գնելու նախապատվության իրավունքի զիջում չի թույլատրվում:

- Երրորդ անձանց օտարման անհնարինության դեպքում մասնակցի պահանջով *Ընկերությունն* ինքը պարտավոր է ձեռք բերել մասնակցի բաժնեմասը, այն իրացնել մեկ տարվա ընթացքում այլ մասնակցի կամ երրորդ անձանց կամ որոշում ընդունել բաժնեմասի չբաշխված մասի մարման ճանապարհով *Ընկերության* կանոնադրական կապիտալի նվազեցման մասին:

- Նախապատվության իրավունքի (այլ մասնակիցների կողմից վաճառվող բաժնեմասերի ձեռքբերման) իրականացման ժամկետը սահմանվում է մեկ ամիս:

4.5 *Ընկերության* կանոնադրական կապիտալի բաժնեմասերն անցնում են *Ընկերության* մասնակից քաղաքացիների ժառանգներին և իրավաբանական անձանց իրավահաջորդներին:

4.6 *Ընկերության* մասնակիցը (մասնակիցները), որը (որոնք) գումարային առումով տնօրինում է (են) ընկերության առնվազն 10 տոկոս բաժնեմասը, իրավունք ունի (ունեն) դատական կարգով պահանջել ընկերության այլ մասնակցի հեռացում *Ընկերությունից*, եթե նա իր գործողություններով կամ անգործությամբ դժվարացնում կամ անհնարին է դարձնում ընկերության բնականոն գործունեությունը:

Ընկերությունից հեռացված մասնակցի բաժնեմասն անցնում է ընկերությանը: *Ընկերությունը* պարտավոր է հեռացված մասնակցին վճարել բաժնեմասի արժեքը սույն կանոնադրության 4.7 կետով սահմանված կարգով:

4.7 *Ընկերությունից* դուրս եկող մասնակցի բաժնեմասը դուրս գալու դիմումը ներկայացնելու պահից փոխանցվում է ընկերությանը:

Ընկերության մասնակցի՝ ընկերությունից դուրս գալու հետ կապված հաշվարկները կատարվում են հետևյալ կարգով.

- վճարվում է կանոնադրական կապիտալում նրա բաժնեմասի (կանոնադրական կապիտալում նրա ավանդի ոչ լրիվ վճարման դեպքում՝ վճարված մասին համապատասխան բաժնեմասի) արժեքը.
- բաժնեմասի արժեքը որոշվում է դուրս գալու մասին դիմումը ներկայացնելու պահին *Ընկերության* վերջին հաշվետու ժամանակաշրջանի հաշվապահական հաշվետվությունների հիման վրա,
- մասնակցին նրա համաձայնությամբ կարող է տրվել նրա բաժնեմասի արժեքին համապատասխան գույք ընդհանուր ժողովի որոշմամբ,
- եթե ընկերության կանոնադրական կապիտալում որպես ավանդ մասնակցի կողմից ներդրվել է գույքի օգտագործման իրավունք, ապա *Ընկերությունը* այն պահպանում է մինչև օգտագործման իրավունքի ժամկետի ավարտը,
- մասնակիցը պարտավոր չէ վերադարձնել իր կողմից բարեխղճորեն ստացված շահաբաժինը:

Ընկերությունը պարտավոր է մասնակցին վճարել բաժնեմասի արժեքը ընկերությունից դուրս գալու մասին դիմում ներկայացնելու պահից՝ 6 ամսվա ընթացքում:

4.8 *Ընկերության* մասնակիցն իրավունք ունի իր սեփականությունը հանդիսացող բաժնեմասը (դրա մասը) գրավ դնել *Ընկերության* մեկ կամ մի քանի մասնակիցների կամ երրորդ անձանց օգտին: Գրավ դրված բաժնեմասի (դրա մասի) վրա բռնագանձում տարածելու դեպքում *Ընկերության* մյուս մասնակիցները և *Ընկերությունը* օգտվում են բաժնեմասը (դրա մասը) ձեռք բերելու իրավունքից Օրենքով և սույն կանոնադրությամբ սահմանված կարգով:

5. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ, ՆՐԱ ՓՈՓՈԽՈՒՄԸ

5.1 *Ընկերության* կանոնադրական կապիտալը կազմում է 412'000'000 (Չորս հարյուր տասներկու միլիոն) ՀՀ դրամ, որը բաժանված է 412'000 բաժնեմասերի, մեկ բաժնեմասի անվանական արժեքը կազմում է 1'000 (Մեկ հազար) ՀՀ դրամ:

Կանոնադրական կապիտալը սահմանում է պարտատերերի շահերը երաշխավորող ընկերության գույքի նվազագույն չափը: *Ընկերության* կանոնադրական կապիտալը չի կարող պակաս լինել Օրենքով սահմանված նվազագույն չափից:

Ընկերության կանոնադրական կապիտալի բոլոր բաժնեմասերը տեղաբաշխված են, լրիվ վճարված և պատկանում են *Ընկերության* մասնակիցներին, որոնց ցանկը և յուրաքանչյուրի ունեցած բաժնեմասերի քանակը (բաժնեմասը) բերված է սույն կանոնադրության բաղկացուցիչ մաս հանդիսացող Հավելված 1-ում:

5.2 *Ընկերության* մասնակիցները կարող են իրենց բաժնեմասերը օտարել սույն կանոնադրության 4.4 կետով սահմանված կարգով:

5.3 *Ընկերությունը* կարող է փոփոխել կանոնադրական կապիտալի մեծությունը: Այդ մասին որոշումը ուժի մեջ է մտնում համապատասխան փոփոխությունների գրանցման պահից:

Ընկերության կանոնադրական կապիտալի ավելացումը հնարավոր է միայն վերջինիս ամբողջությամբ վճարումից հետո:

Ընկերության կանոնադրական կապիտալի ավելացումը կարող է կատարվել.

- *Ընկերության* գույքի հաշվին,
- *Ընկերության* մասնակիցների լրացուցիչ ավանդների հաշվին,
- երրորդ անձանց ներդրումների հաշվին:

Ընկերության մասնակիցների լրացուցիչ կամ երրորդ անձանց ավանդների հաշվին կանոնադրական կապիտալի ավելացման մասին որոշումը ընդունվում է ընկերության մասնակիցների միաձայն որոշմամբ, որով որոշվում է լրացուցիչ ներդրումների գումարային արժեքը և ներդրումների կատարման կարգն ու ժամկետները: Այդ որոշմամբ պետք է սահմանվի լրացուցիչ ավանդների ընդհանուր արժեքը, ինչպես նաև սահմանվի լրացուցիչ ավանդի արժեքի և այն գումարի՝ բոլոր մասնակիցների համար միասնական հարաբերակցությունը, որով ավելացվում է նրա բաժնեմասի անվանական արժեքը: Սահմանված ժամկետի ավարտից հետո մեկ ամսվա ընթացքում *Ընկերության* մասնակիցների ընդհանուր ժողովը պարտավոր է որոշում ընդունել (ձայների որակյալ մեծամասնությամբ) լրացուցիչ ավանդների ներդրման արդյունքների, ներդրումների հաշվին ձևավորված կանոնադրական կապիտալի, *Ընկերության* մասնակիցների բաժնեմասերի չափերի փոփոխման և դրա հետ կապված սույն կանոնադրության փոփոխությունը հաստատելու մասին:

Լրացուցիչ ավանդները ներդրվում են այդ մասին որոշում ընդունելուց հետո մեկ տարվա ընթացքում:

Ընկերության մասնակիցների կողմից լրացուցիչ ավանդների ներդրման միջոցով կանոնադրական կապիտալի ավելացման կարգն ու պայմանները սահմանվում են Օրենքով:

Ընկերությունն իրավունք ունի, իսկ Օրենքով սահմանված դեպքում պարտավոր է նվազեցնել իր կանոնադրական կապիտալը:

Եթե երկրորդ կամ յուրաքանչյուր հաջորդ ֆինանսական տարվա ավարտից հետո *Ընկերության* գուտ ակտիվների արժեքը պակաս է կանոնադրական կապիտալից, ապա ընկերությունը պարտավոր է հայտարարել իր կանոնադրական կապիտալի նվազման մասին և սահմանված կարգով գրանցել դրա նվազումը: Եթե *Ընկերության* նշված ակտիվների արժեքը պակասում է կանոնադրական կապիտալի՝ օրենքով սահմանված նվազագույն չափից՝ *Ընկերությունը* ենթակա է լուծարման:

Ընկերության կանոնադրական կապիտալի նվազեցում թույլատրվում է նրա բոլոր պարտատերերին և գրանցումն իրականացնող մարմնին Օրենքով սահմանված կարգով և ժամկետներում տեղեկացնելուց հետո: *Ընկերության* պարտատերերն իրավունք ունեն պահանջել իրենց նկատմամբ *Ընկերության* պարտավորությունների կատարման լրացուցիչ երաշխիքներ կամ պարտավորությունների վաղաժամկետ դադարում կամ կատարում, ինչպես նաև իրենց վնասների հատուցում:

Ընկերության կանոնադրական կապիտալի նվազեցում կարող է կատարվել բոլոր մասնակիցների բաժնեմասերի անվանական արժեքների նվազեցմամբ և (կամ) *Ընկերությանը* պատկանող բաժնեմասերի մարմամբ:

Կանոնադրական կապիտալի ավելացման կամ նվազեցման մասին որոշումն ուժի մեջ է մտնում այդ փոփոխության գրանցման պահից:

Ընկերության կանոնադրական կապիտալում ընկերության մասնակցի բաժնեմասի վրա բռնագանձում տարածելը կամ բռնագրավումը կատարվում է Օրենսգրքով և Օրենքով սահմանված դեպքերում և կարգով:

6. ԸՆԿԵՐՈՒԹՅԱՆ ԳՈՒՅՔԸ, ԿԱՊԻՏԱԼՆԵՐՆ ՈՒ ՇԱՀՈՒՅԹԸ

6.1 *Ընկերությունը* հանդիսանում է սեփականատեր`

- *Ընկերության* հիմնադիրների (մասնակիցների) ներդրված ավանդների և դրանց հաշվին ստեղծված գույքի,
- *Ընկերության* տնտեսական գործունեությամբ արտադրված արտադրանքի և ձեռք բերված գույքի,
- ստացված եկամուտների,
- գործող օրենսդրությամբ չարգելված հիմունքներով ձեռք բերած գույքի:

Ընկերության սեփականության ներքո կարող է գտնվել ցանկացած գույք` բացառությամբ գույքի առանձին տեսակների, որոնք օրենքին համապատասխան չեն կարող պատկանել իրավաբանական անձանց:

Ընկերության գույքի նկատմամբ սեփականության իրավունք ձեռք բերելու, իրավունքը դադարելու, գույքը տիրապետելու, օգտագործելու ու տնօրինելու առանձնահատկությունները, կապված գույքը *Ընկերության* սեփականությանը պատկանելու հանգամանքի հետ, սահմանվում են միայն օրենքներով:

6.2 *Ընկերության* մասնակցի ներդրումը կարող է լինել դրամ, արժեթղթեր, այլ գույք կամ գույքային իրավունքներ, ինչպես նաև դրամական գնահատում ունեցող այլ իրավունքներ:

Ներդրվող գույքի արժեքը որոշվում է *Ընկերության* հիմնադիրների (մասնակիցների) միջև ձեռք բերված համաձայնությամբ և կարող է ենթարկվել անկախ փորձագիտական գնահատման:

Ընկերության հիմնադիրների (մասնակիցների) կամ *Ընկերության* մեջ ընդգրկվող երրորդ անձանց կողմից ներդրվող ոչ դրամային ավանդների դրամական գնահատականը հաստատվում է ընդհանուր ժողովի կողմից միաձայն կարգով: Եթե *Ընկերության* մասնակցի ոչ դրամային ավանդով վճարվող բաժնեմասի անվանական արժեքը (անվանական արժեքի մեծացումը) ավելի է ընկերության պետական գրանցման համար փոստաթղթեր ներկայացնելու պահին սահմանված նվազագույն աշխատավարձի 500-ապատիկից, ապա նման ավանդը պետք է գնահատվի անկախ գնահատողի (աուդիտորի) կողմից:

Կանոնադրական կապիտալում մասնակցի բաժնեմասը գնահատվում է ՀՀ դրամով:

6.3

6.4 *Ընկերությունը* Պահուստային կապիտալ չի ձևավորում:

6.5 Սահմանված կարգով առաջացող մաքուր շահույթի բաշխումը *Ընկերության* մասնակիցների միջև իրականացվում է կանոնադրական կապիտալում մասնակիցների ունեցած բաժնեմասերին համապատասխան` Օրենքով սահմանված կարգով:

7. ԸՆԿԵՐՈՒԹՅԱՆ ԿԱՌԱՎԱՐՈՒՄԸ

7.1 *Ընկերության* կառավարման մարմիններն են Ընկերության մասնակիցների ընդհանուր ժողովը և Ընկերության գործադիր մարմինը՝ տնօրենը:

7.2 *Ընկերության* կառավարման բարձրագույն մարմինը Ընկերության մասնակիցների ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք:

Ընկերության մասնակիցների ընդհանուր ժողովում քվեարկությունների ժամանակ *Ընկերության* մասնակիցներն ունեն *Ընկերության* կանոնադրական կապիտալում իրենց բաժնեմասերին համապատասխան ձայների քանակ:

7.3 *Ընկերության* մասնակիցների հերթական ընդհանուր ժողովը հրավիրվում է *Ընկերության* տնօրենի կողմից տարեկան մեկ անգամ ֆինանսական տարվա ավարտից ոչ շուտ, քան երկու ամիս և ոչ ուշ, քան վեց ամիս անց: *Ընկերությունը* պարտավոր է ամեն տարի գումարել մասնակիցների հերթական ընդհանուր ժողով՝ *Ընկերության* գործունեության տարեկան արդյունքները հաստատելու համար:

Ընկերության մասնակիցների արտահերթ ընդհանուր ժողովը հրավիրվում է *Ընկերության* տնօրենի կողմից Օրենքով և *Ընկերության* կանոնադրությամբ սահմանված դեպքերում, ինչպես նաև բոլոր այն դեպքերում, երբ դա են պահանջում *Ընկերության* և *Ընկերության* մասնակիցների շահերը:

7.4 *Ընկերության* մասնակիցների ընդհանուր ժողովի իրավասությանն են պատկանում.

7.4.1 *Ընկերության* կանոնադրության մեջ փոփոխությունների և լրացումների կատարումը, *Ընկերության* կանոնադրության հաստատումը նոր խմբագրությամբ,

7.4.2 *Ընկերության* կողմից բաժնեմասի (բաժնեմասերի) ձեռք բերումը և դրանց իրացումը օրենքով սահմանված դեպքերում,

7.4.3 *Ընկերության* վերակազմակերպումը,

7.4.4 *Ընկերության* լուծարումը,

7.4.5 *Ընկերության* լուծարման հանձնաժողովի նշանակումը և լուծարման հաշվեկշիռների (լուծարման ամփոփիչ, լուծարման միջանկյալ և լուծարման հաշվեկշիռների) հաստատումը,

7.4.6 *Ընկերության* կանոնադրական կապիտալի չափի ավելացումը,

7.4.7 *Ընկերության* կանոնադրական կապիտալի չափի նվազեցումը,

7.4.8 կազմակերպությունների (այդ թվում՝ դուստր և կախյալ ընկերությունների) հիմնադրումը,

7.4.9 կազմակերպություններում (այդ թվում՝ դուստր և կախյալ ընկերությունների) մասնակցության մասին որոշումների ընդունումը,

7.4.10 *Ընկերության* տնօրենի նշանակումը, նրա լիազորությունների վաղաժամկետ դադարեցումը, ինչպես նաև *Ընկերության* գործադիր մարմնի լիազորությունները կառավարչին (առևտրային կազմակերպություն կամ անհատ ձեռնարկատեր) տալու հարցերը,

7.4.11 *Ընկերության* ներքին աուդիտն իրականացնողի աշխատանքի ընդունելը,

7.4.12 *Ընկերության* տարեկան հաշվետվությունների, տարեկան հաշվապահական հաշվեկշռի հաստատումը,

7.4.13 *Ընկերության* շահույթն ընկերության մասնակիցների միջև բաշխման մասին որոշման ընդունումը,

7.4.14 *Ընկերության* մասնաճյուղերի, ներկայացուցչությունների և հիմնարկների աշխատանքի տարեկան արդյունքների հաստատումը,

7.4.15 *Ընկերության* գործունեության հիմնական ուղղությունների որոշումը,

7.4.16 *Ընկերության* կողմից արժեթղթերի թողարկման մասին որոշում ընդունելը,

7.4.17 *Ընկերության* գույքի օտարման և ձեռքբերման հետ կապված խոշոր գործարքներ (որոնց արժեքը գերազանցում է զուտ ակտիվների մեծության 1/4-ը) կատարելու մասին որոշումը,

7.4.18 *Ընկերության* առանձնացված ստորաբաժանումների և հիմնարկների ստեղծումը, գործունեության դադարեցումը, դրանց կանոնադրությունների հաստատումը,

7.4.19 *Ընկերության* ներքին գործունեությունը կարգավորող փաստաթղթերի (*Ընկերության* ներքին փաստաթղթեր) ընդունումը,

7.4.20 Ղեկավար պաշտոնատար անձանց աշխատանքի վարձատրման պայմանների որոշումը:

Ընկերության մասնակիցների ընդհանուր ժողովն իրավունք ունի քննարկել և որոշումներ ընդունել նաև Օրենքով և սույն կանոնադրությամբ ընդհանուր ժողովի իրավասությանը պատկանող ցանկացած հարցի շուրջ:

7.5 Սույն կանոնադրության 7.4 կետի բոլոր ենթակետերով (բացի 7.4.11, 7.4.14 և 7.4.19 ենթակետերի) սահմանված հարցերը հանդիսանում են *Ընկերության* մասնակիցների ընդհանուր ժողովի բացառիկ իրավասության հարցեր և չեն կարող փոխանցվել ընկերության գործադիր մարմնին:

7.6 *Ընկերության* մասնակիցների ընդհանուր ժողովն իրավագոր է (քվորում ունի), եթե դրան մասնակցում են *Ընկերության* մասնակիցները, որոնք համատեղ տնօրինում են ձայների ընդհանուր քանակի կեսից ավելին:

7.7 Սույն կանոնադրության 7.4 կետի 7.4.1, 7.4.6-րդ, 7.4.7-րդ ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների երեք քառորդով, սակայն ոչ պակաս *Ընկերության* բոլոր մասնակիցների ձայների երկու երրորդից, 7.4 կետի 7.4.10-րդ և 7.4.17-րդ ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների առնվազն երեք քառորդով, 7.4.12-րդ և 7.4.13-րդ ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների առնվազն երկու երրորդով, սակայն ոչ պակաս *Ընկերության* բոլոր մասնակիցների ձայների կեսից, 7.4.3-րդ և 7.4.4-րդ ենթակետերով սահմանված հարցերի շուրջ՝ *Ընկերության* բոլոր մասնակիցների միաձայն որոշմամբ:

7.8 *Ընկերության* մասնակիցների ընդհանուր ժողովի իրավասությանը վերաբերվող հարցերի լուծումը կատարվում է ժողովի նիստում՝ օրակարգի հարցերի քննարկման, քվեարկության դրված հարցերի վերաբերյալ քվեարկության (հարցման) միջոցով:

Ընդհանուր ժողովի որոշումը կարող է ընդունվել առանց ժողով անցկացնելու (առանց օրակարգի հարցերի քննարկման և քվեարկության դրված հարցերի վերաբերյալ որոշումների ընդունման նպատակով ընկերության մասնակիցների համատեղ ներկա գտնվելու)՝ անցկացնելով հեռակա քվեարկություն (հարցման միջոցով):

Այդ դեպքում որոշման նախագիծը ուղարկվում է մասնակիցներին, որոնք պետք է գրավոր հայտնեն իրենց կարծիքը: Նման քվեարկություն կարող է անցկացվել փաստաթղթերը փոստային, հեռագրային, հեռատիպային, հեռախոսային, էլեկտրոնային կամ փոխանցվող և ընդունվող հաղորդագրությունների իսկությունը և դրանց փաստաթղթային հաստատումն ապահովող կապի այլ միջոցներով փոխանակելու միջոցով:

7.9 *Ընկերության* մասնակիցների ընդհանուր ժողովների որոշումներն ընդունվում են բաց քվեարկությամբ:

7.10 Մեկ մասնակից ունեցող ընկերությունում *Ընկերության* մասնակիցների ընդհանուր ժողովի իրավասության հարցերի կապակցությամբ որոշումներն ընդունվում են մասնակցի կողմից միանձնյա և ձևակերպվում են գրավոր:

7.11 Ընդհանուր ժողովին մասնակցելու լիազորություն ունեն (առանց ձայնի իրավունքի) տնօրենը:

7.12 *Ընկերության* յուրաքանչյուր մասնակից իրավունք ունի պահանջելու հարցերի քննարկում *Ընկերության* մասնակիցների ընդհանուր ժողովում, այն պայմանով, որ այն ներկայացված լինի նիստը սկսվելուց առնվազն 10 օր առաջ:

7.13 *Ընկերության* ընթացիկ գործունեության կառավարումը իրականացնում է տնօրենը, որն ընտրվում է *Ընկերության* մասնակիցների ընդհանուր ժողովի կողմից: *Ընկերության* և *Ընկերության* տնօրենի միջև պայմանագիրը ստորագրում է տնօրենին ընտրած ընդհանուր ժողովի նախագահող անձի կամ ընդհանուր ժողովի կողմից լիազորված անձի կողմից (եթե սվյալ ժողովում նախագահել է տնօրենը):

Տնօրենը լուծում է բոլոր հարցերը, բացի *Ընկերության* մասնակիցների ընդհանուր ժողովի բացառիկ իրավասությանը ենթակա հարցերի: Տնօրենը հրավիրում է *Ընկերության* մասնակիցների հերթական ու արտահերթ ընդհանուր ժողովները, ապահովում է *Ընկերության* մասնակիցների ընդհանուր ժողովների որոշումների կատարումը, հաշվետու է ընդհանուր ժողովին և իրավունք չունի մասնակիցների համար պարտադիր որոշումներ կայացնելու:

Տնօրենը իրավունք ունի առանց լիազորության *Ընկերության* անունից գույքի ձեռքբերման և/կամ օտարման գործարքներ կատարել, եթե գործարքի գումարը չի գերազանցում զուտ ակտիվների մեծության 25%-ը (քսանհինգ տոկոսը), բացառությամբ այն գործարքների, որոնք կատարվում են *Ընկերության* առօրյա տնտեսական գործունեության ընթացքում, որոնց գումարը կարող է գերազանցել զուտ ակտիվների մեծության 25%-ը (քսանհինգ տոկոսը):

Ընկերության տնօրենը պետք է գործի բարեխղճորեն և ողջամիտ՝ ի շահ իր կողմից ներկայացվող *Ընկերության*: Նա պարտավոր է *Ընկերության* կամ *Ընկերության* մասնակիցների պահանջով հատուցել իր կողմից *Ընկերությանը* պատճառված վնասները: *Ընկերության* պատճառած վնասի հատուցման հայցով դատարան դիմելու իրավունք ունի *Ընկերությունը* կամ նրա մասնակիցը:

7.14 *Ընկերության* տնօրենը իր իրավասության սահմաններում.

- առանց լիազորագրի գործում է *Ընկերության* անունից,
- տնօրինում է *Ընկերության* գույքը, այդ թվում՝ ֆինանսական ռեսուրսները,
- կնքում է պայմանագրեր, այդ թվում՝ աշխատանքային,
- տալիս է լիազորագրեր, այդ թվում՝ վերալիազորման իրավունքով,
- բանկային հիմնարկներում բացում է հաշվարկային և այլ հաշիվներ,
- հաստատում է հաստիքներ,
- իրականացնում է Օրենքով, *Ընկերության* կանոնադրությամբ իրեն վերապահված կամ *Ընկերության* ընդհանուր ժողովի կողմից տրված այլ լիազորություններ և հանձնարարություններ:

7.15 *Ընկերությունը* իրավասու է իր գործադիր մարմնի իրավասությունները փոխանցել կառավարչի (առևտրային կազմակերպություն կամ անհատ ձեռնարկատեր):

8. ԸՆԿԵՐՈՒԹՅԱՆ ՄԱՍՆԱՃՅՈՒՂԵՐ և ՆԵՐԿԱՅԱՑՈՒՑՉՈՒԹՅՈՒՆՆԵՐ

Հայաստանի Հանրապետության տարածքում և նրանից դուրս *Ընկերությունը* չունի մասնաճյուղեր և նեկայացուցչություններ:

9. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

9.1 *Ընկերությունը*, նրա մասնակիցների միաձայն որոշմամբ, կարող է կամովին վերակազմակերպվել:

Ընկերությունը կարող է վերակազմակերպվել բացառապես մեկ այլ ներդրումային ընկերության հետ միացման կամ վերակազմավորման միջոցով:

Ընկերությունը մեկ կամ մի քանի ներդրումային ընկերությունների միանալու դեպքում միացող ներդրումային ընկերությունները կնքում են միացման պայմանագիր՝ ստանալով Կենտրոնական բանկի նախնական համաձայնությունը:

Եթե լուծարվող ընկերության գույքի արժեքն անբավարար է պարտատերերի պահանջները բավարարելու համար, ապա այն կարող է լուծարվել միայն սնանկության հետևանքով:

Ընկերության վերակազմակերպման և լուծարման այլ հիմքերը, ինչպես նաև վերակազմակերպման ու լուծարման կարգը սահմանվում են Օրենսգրքով և այլ օրենքներով:

9.2 *Ընկերությունն* իրավունք ունի վերակազմավորվել բաժնետիրական ընկերության:

9.3 *Ընկերությանը* վերակազմակերպված է համարվում նոր ստեղծված իրավաբանական անձի գրանցման պահից:

Ընկերությունը, այլ իրավաբանական անձի հետ միացման ձևով վերակազմակերպելիս, վերակազմակերպված է համարվում *Ընկերության* գործունեությունը դադարելու վերաբերյալ գրառման պահից:

9.4 *Ընկերության* լուծարումն իրականացնում է *Ընկերության* մասնակիցների ընդհանուր ժողովի կողմից նշանակված լուծարման հանձնաժողովը:



Ընկերության լուծարման գործընթացում գտնվելու մասին տեղեկությունները (այդ թվում՝ լուծարման հանձնաժողովի կազմը) ենթակա են գրանցման:

Կանոնադրական կապիտալի 10%-ից ավելին ունեցող մասնակիցները դատական կարգով կարող են պահանջել նշանակելու նոր լուծարման հանձնաժողով:

Լուծարման հանձնաժողով կազմելու պահից նրան են անցնում *Ընկերության* գործերի կառավարման բոլոր լիազորությունները: Լուծարվող *Ընկերության* անունից դատարանում հանդես է գալիս լուծարման հանձնաժողովը:

9.5 *Ընկերությունը* համարվում է լուծարված, իսկ նրա գործունեությունը դադարած՝ Կենտրոնական բանկի կողմից լուծարային հաշվեկշիռը հաստատվելու մասին որոշումը կայացնելու պահից եռօրյա ժամկետում Կենտրոնական բանկի կողմից լուծարվող ներդրումային ընկերությանը գրանցումից հանելու և այդ մասին ներդրումային ընկերությունների գրանցումների մատյանում համապատասխան գրառումը կատարելուց հետո:

**«ՏՈՆՏՈՆ» ինվեստիցիոն
սահմանափակ պատասխանատվությամբ ընկերության
մասնակիցների ցուցակ**

Մասնակիցների անունը, ազգանունը, անձնագրի տվյալները և հասցեն	բաժնեմասերի քանակը (հատ)	բաժնեմասի չափը (ՀՀ դրամ)	մասնակցությունը կանոնադրական կապիտալում (%)	ստորագրություն
1. Վահագն Առաքելյան անձնագիր BA 2814222, տրված 07/04/2016թ. 006-ի կողմից, հասցե ՀՀ ք. Երևան, Հր. Աճառյան 22գ շենք, բն. 30	288,400	288,400,000	70.00%	
2. Գոռ Առաքելյան անձնագիր AK 0418781, տրված 12/01/2010թ. 006-ի կողմից, հասցե ՀՀ ք. Երևան, Հր. Աճառյան 22 շենք, բն. 30	123,600	123,600,000	30.00%	
Ընդամենը	412,000	412,000,000	100.00%	